



**KPA TA REACCIONA RIBA  
COMUNICADO PUBLICA DI  
AMIGOARUBA.COM**



**WWW.SOLODIPUEBLO.COM**



**SOLODIPUEBLO@GMAIL.COM**

**Ministerio Publico tin 50 keho di bully hinca den lachi....**

**NO POR SIGUI CU GEDOOGD BELEID PA  
BULLY ( =DIFAMACION Y CALUMNIA)**

**MISHA MES A HAYE TA  
APROBA PAPELNAN  
DI ENDY Y EDGARD PA  
DRENTA PARLAMENTO**



**LAMA BRUTO DILANTI LA CABANA  
A BOLTER 2 PERSONA ENTRENAN  
UN MUCHA LAGANAN HERIDA**



**MISHA Y  
GUIAMO A  
ENTREGA  
RETIRO DI  
PARTIDO RAIZ**

**FASE 4 DI  
PROYECTO  
BOARDWALK  
MALMOK**

**CUERPO POLICIAL:  
A DETENE  
COLOMBIANO NA  
AEROPUERTO CU  
DROGA**





Prome Minister Evelyn Wever-Croes:

# SILENCIO HERMETICO DEN NEGOCIACION P'E FORMACION DI GOBIERNO

Prome Minister Evelyn Wever-Croes, durante su participacion den e programa Interes di Pueblo na Top FM 95.1, a papia riba e resultadonan di eleccion y e actual proceso di formacion di e proximo gobierno. Durante eleccion, partido AVP a ricibi 9 asiento, partido MEP a logra 8 y como resultado AVP a asumi e rol di forma un gobierno hunto cu partido FUTURO.

Prome Minister a destaca cu, aunke a firma un declaracion relaciona cu e negociacionnan, esaki no a wordo divulga ni presenta publicamente.

E enfoka aki ta contrasta cu esun adopta pa MEP durante su propio proceso di formacion di gobierno, ora cu a compromete na transparencia total, a publica tur detaye y a ofrece briefings regularmente na prensa. Segun Wever-Croes, e nivel aki di apertura no por observa den e negociacionnan actual, loke ta genera un silencio notabel den e proceso.

Den cuadro di esaki, e combersacionnan entre AVP y FUTUR ta sigui avansa di forma reserva of secreto. Mientrastanto, MEP a purba na varios ocasion

pa drenta den dialogo cu partido FUTURO, pero e ultimonan aki a dicidi pa no dialoga, argumentando cu nan ta enfoca den e negociacionnan cu AVP.

Wever-Croes tambe a señala cu e promesa di Mike Eman di aumenta pension na 700 florin tabatin un impacto significativo den e resultadonan electoral, siendo clave den e diferencia di 312 voto cu a faborece AVP. Sinembargo, despues di anuncia cu dicho promesa no lo wordo cumpli den e plaso di 100 dia, e panorama politico a cambia.

E proceso di formacion di



gobierno ta sigui avansa, pero MEP, sin un rol activo den e negociacionnan aki, ta observa con esakinan ta desaroya memey di un

silencio cu ta contrasta cu e principianan di transparencia defendi previamente.

## DAMA TURISTA A CAY DURANTE TOUR DI BICICLETA PANORT DI RITZ CARLTON



Dialuna mainta a drenta informe di cu un dama den un bike tour lo a cay panort di Ritz Carlton, mesora a dirigi tanto polis como ambulans na e sitio. Na yegada di e patruya a

bin compronde cu aki ta trata di un dama turista coriedo den un bike tour a cay y a fractura su rudia. Na yegada di e ambulans nan a atende e victima y a transporte pa hospital.





## Ministerio Publico tin 50 keho di bully hinca den lachi....

# NO POR SIGUI CU GEDOOGD BELEID PA BULLY ( =DIFAMACION Y CALUMNIA)

Enbista di e consecuencianan cu bully ta trece cune, Ministerio Publico no por sigui hiba e maneho di gedoogd beleid riba e kehonan cu ciudadano a entrega pa e delito aki.

Smaad en Laster ( Bully) ta un delito den nos codigo penal. Tin articulonan di ley cu ta atende cu cualke abusador o agresor, den ki forma cu ta, sea ta facebook, radio, corant, television, pamfleta y cualke noticiero di radio.

Den pasado nos tin conocimiento cu tin hopi keho cu a wordo entrega pa victima di bully, pero Ministerio Publico a informa cu nan tin gedoogd beleid, pa motibo cu tin escases di personal.

Dor cu no a trata e kehonan, dor cu a hiba un gedoogd beleid, e situacion a sali for di man, pasobra nan a crea un free for all. Tur hende por difama hende, sin husticia ta actua riba nan.

Na aña 2023, a entrega keho

na Ministerio Publico, y nan contesta tabata cu nan lo no ni start investigacion, pa motibo di personal y pa motibo cu nan tin otro cosnan mas importante.

Ora a hiba e caso hof na Curacao, corte di Curacao a bay di acuerdo, cu ta un decision di Ministerio Publico mes pa dicidi kico si y kico no ta wordo investiga.

Cu esey, nan a dal porta cera y nan start e ora cu e gedoogd beleid. Tur hende mag difama otro, papia

coy sokote, manipula, etc.etc. mientras esnan cu ta word gebash, mester accepta tur ofensa, insulto, dia aden y dia afo.

Aki nos ta awor! Awor tin consecuencia y awor esnan cu a wordo afecta pa tur e instigacion a dicidi di atende cu e bulidornan. Esaki a trece nos na un punto di wake up call: Awor si lo cuminza actua riba e kehonan? Ministerio tin mas di 50 keho hinca den lachi. Lo atende nan awor si ?

## MISHA MES A HAYE TA APROBA PAPELNAN DI ENDY Y EDGARD PA DRENTA PARLAMENTO

Diamars mainta Misha Raymond a haye ta aproba papelnan di Endy y Edgard.

Algun luna pasa e mes a vota pa baha tur dos. Mundo ta dal buelta.

Awor e mes ta out pero esnan cu el'a baha na manera baho, lo tey bek den parlamento.



## CAMBIO DEN PRIJS DI PRODUCTIONAN PETROLERO 8 JANUARI 2025


Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 8 januari 2025:

Gasoline unleaded-premium	: 233,5 cen p/ltr. (- 0,2 cen)
Diesel LS	: 204,9 cen p/ltr. (- 0,7 cen)
Kerosin	: 183,5 cen p/ltr. (+ 2,3 cen)
E prijsnan ta inclui BBO/BAZV/BAVP	





# LAMA BRUTO DILANTI LA CABANA A BOLTER 2 PERSONA ENTRENAN UN MUCHA LAGANAN HERIDA



Dialuna merdia a drenta informe di cu tin un incidente a pasa cu hende herida dilanti La Cabana unda primeramente ta bisa cu ta un incidente cu waverunner, mesora a dirigi tanto polis como ambulans na e sitio. Na yegada di e patruya a bin


compronde cu aki no ta trata di un incidente cu waverunner pero cu ta un turista cu a drenta e lama bruto y esaki a heride.

Na yegada di e ambulans a bin trata un persona adulto cu a drenta e lama toch aunke e banderanan




cora ta poni e olanan a dal e bolter e y e no por a move ni su mannan ni su pianan.

Na e mesun momento ey un mucha cu tambe a drenta lama bruto tambe a ser lesiona pa cual a pidi ayudo di un otro ambulans. Mientrastanto a atende e victima adulto y a pone den ambulans. Na yegada di e otro ambulans nan a atende e mucha muher tambe turista cu a resulta herida y a bay tambe cun'e pa hospital.



## KIA RIO HORTA MARDUGA, HAYA DIALUNA ATARDI DEN MONDI



Playa Pabou - Dialuna den oranan di atardi un miembro di prensa di team Arubanative.com a

topa cu un Kia Rio, hinca den mondi cerca unda e ta biba.

Mesora ta avisa polis, debi cu paden por a mira cu e contact ta kibra.

A bin resulta cu e auto aki a wordo horta den oranan di marduga, for di un garage no mucho leu di Playa Pabou.

Polis mesora a presenta, y a pidi pa takelwagen pa bay cu e auto unda lo tuma vingerafdruk y saca potretnan cu ta relevante den e investigacion.





Prome Minister Evelyn Wever-Croes

# MAS ALIVIO FISCAL NA CAMINDA PA TRAHADO Y PENSIONADO

Prome Minister Evelyn Wever-Croes a destaca durante e programa Interes di Pueblo, e avancen an realisa p'e Gabinete Wever-Croes I y II den materia di pensioen y reparatietoeslag. Fuera di esey, el a subraya cu nan lo sigui traha den medida adicional pa ofrece alivio fiscal.

Tur aña a ahusta e tarifanan di impuesto riba belasting, inkomstenbelasting y loonbelasting, reduciendo

nan gradualmente p'e trahadonan por dispone di mas placa den nan man. E beneficio aki tambe lo ta inclui p'e pensionadonan cu ta ricibi dos pensioen, kendenan lo stop di paga impuesto riba esakinan.

E Prome Minister a delanta cu e detayenan di e medidanan aki lo wordo anuncia proximamente, reafirmando e compromiso di gobierno di alvia e carga fiscal pa tur e ciudadano.



## HUNTO HOH Y ECOGAS CU PASO SIGNIFICANTE PA UN FUTURO MAS SOSTENIBEL Y SALUDABEL



Riba 30 di December 2024, Horacio Oduber Hospital (HOH) a firma cu orguyo un acuerdo transformativo cu e compania Ecogas pa e implementacion di un proyecto "turnkey" cu tin como meta pa mehora e sistema di energia di Hospital. E proyecto aki lo bay converti e sistema di consumo, awo basa riba diesel na HOH, pa un

sistema moderno di boiler di gas di petroleo likido conoci como LPG.

E proyecto aki ta start sali durante e prome kwartaal di 2025 y ta spera cu e lo ta cla dentro di un plaso di seis luna. E timeline aki ta enfatisa e compromiso cu tur dos partido tin pa yega na un solucion eficiente y sostenibel mas lihe cu ta



posibel den loke ta energia. Cu e transicion pa e sistema LPG, HOH lo logra spaar di forma significant pa loke ta gastonan operacional, loke ta bay permiti pa Hospital por inverti mas fondo den eleva calidad di cuido di pashent y amplia di servicio medico. LPG no ta solamente costo efectivo, pero e sistema ta conoci pa e balor agrega

cu e tin pa loke ta nos medio ambiente. Ademas, e sistema di LPG ta rekeri menos mantencion, loke ta mehora e eficiencia y siguridad di e parti operacional di Hospital.

E acuerdo aki ta demostra e dedicacion cu HOH tin pa loke ta sostenibilidad y innovacion, loke ta alinea cu nos mission

pa keda amplia y adopta practicanan cu ta beneficia nos medio ambiente y nos comunidad. Hunta di Directiva, management y staf completo di HOH ta extende palabranan di gratitud na e compania Ecogas pa nan apoyo, experticio y compromiso pa sigura cu e proyecto aki cu ta asina importante ta uno exitoso.



# UTV A BOLTER RIBA CAMINDA PA NATURAL BRIDGE



Dialuna atardi a drenta informe di cu un UTV lo a bolter riba caminda pa Natural Bridge. Mesora a dirigi un patruya na e sitio. Na yegada di e patruya a bin compronde cu un UTV lo a

purba maniobra pa no pega den lodo y pa un motibo of otro lo a bolter. Afortunadamente e chauffeur di e UTV tabata tin faha di seguridad y esaki a pone cu e no a resulta herida. Ora a

bolter e UTV bek a nota daño na dje y esaki a pone cu TRS lo mester a presenta y a tuma datos di e incidente aki.

# BIENTO FUERTE A BENTA DAMA TURISTA ABAO NA E TRAPI DI E SOUVENIRSHOP NA NATURAL BRIDGE



Diamars mainta a drenta informe di cu un dama turista a cay y a herida su mes na Natural Bridge, mesora a dirigi un

ambulans na e sitio. Na yegada di e ambulans a bin compronde cu e biento fuerte a benta e dama turista abao y a dal su cara

y nanishi na e skina di un di e treenan di e trapi y a kap esaki. E personal di e ambulans mesora a brind'e prome ayudo.



# TRAFICO SIGUR UZO DI CELULAR DEN TRAFICO, UN PROBLEMA GRANDI

Nos Celebro no ta diseña pa Multi-task, bo ta peligra bo bida y di otronan



# MISHA Y GUIAMO A ENTREGA RETIRO DI PARTIDO RAIZ

Informacion cu a circula durante cambio di aña, ta bisa cu aparentemente Misha Raymond y Guiamo di Partido Raiz lo a entrega nan retiro of lo tin intencion di entrega nan retiro na Ursell Arends.

Segun por compronde cu lo tin varios motibo cu lo entrega retiro. E partido lo a realisa e daño grandi cu e consehero Guiamo a ocasiona. Guiando Misha den caminda incorrecto, y sin di por a midi e consecuencia cu lo bin.

Un fuerte interno den Raiz a laga sa cu tin hopi

desgusto. E motibo cu Geoffrey a laga Raiz, ta pasobra cu e coriente di Guiamo cu Misha tabata tuma posturanan intransigente. Ora a pensa cu Ursel lo a para nan, el'a dicidi pa sigui nan coriente.

Pues, awor cu Misha a causa e daño irreparable na Ursel, awor parece cu e ta cla tambe cu politica. Tanto Misha y Guiamo ta out y lo tin di busca algo otro di haci.

Pa nan echo di "inteligente", nan a bay hunga wega di poder, cu a costa ambos awor cu nan

ta 'afuera'. No ta conoci si e retiro di ambos a wordo solicita dor di Ursel, cual tambe por ta posibel.

Partido Raiz cu tabata un partido prometedor, na caminda a converti pa un partido arogante, domina pa un grupito, cu ta hopi sabi den nan tereno, pero no suficiente sabi pa haci politica.

Finalmente lo mester desea nan un bon bye bye.

## KPA TA REACCIONA RIBA COMUNICADO PUBLICA DI AMIGOARUBA.COM



MACUARIMA, ARUBA: Desde 1 januari 2025 Cuerpo Policial Aruba tin un maneho nobo den strategia nobo den comunicacion. Esaki nifica cu Cuerpo Policial lo reacciona riba comunicado cu no ta cuadra cu e berdad. E reaccion di KPA ariba e medianan cu ta publica nan articulo, no ta basa pa ataca of crea enemistad. KPA su meta ta pa dialoga y uni cu otro pa asina informa e sociedad cu informacion corecto. Cuerpo Policial Aruba ta reacciona riba e articulo publica dialuna 6 januari

2025 dor di AmigoAruba.com.

Nos ta cita e articulo:

“Pers als Wapen, Hoe de journalistiek de samenleving verdeelt in instabiliteit zaait”.

Pa e publicacion di dicho articulo Cuerpo Policial no a wordo aserca cu niun pregunta y of aclaracion. Den e articulo publica pa AmigoAruba.com, e ta referi na e comunicado di KPA, na unda altocomisario sr Arnhem ta bisa cu e ta condena violencia contra

miembronan di prensa pero como tambe contra tur otro hende. Den dicho articulo publica pa AmigoAruba ta wordo bisa cu altocomisario ta haya critica pa cu esaki y e punto di bista di Arnhem ta unilateral. E periodista encuestion ta enfoka diariamente negativamente den su articulo y red social. Di e manera aki, e periodista ta contribui den e division social y daño contra personanan.

Reaccion di parti Cuerpo Policial Aruba.

AmigoAruba ta aproba violencia.

Imagina boso si polis mester permiti violencia “Den ki tipo di sociedad nos lo bibando?”. Polis ta pa garantisar orden publico y seguridad di comunidad di Aruba.

Altocomisario Arnhem ta haci apelacion pa tranquilidad, orden y respet pa otro. Acto di violencia ta na tur momento castigabel pa ley y por conta riba accion firme di polis.

## Clasificados










**SOLODIPUEBLO@GMAIL.COM**

**CEL.585 9500**





# **MITSUBISHI L300 A PEGA NA CANDELA DEN PARKINGLOT PARA**



Dialuna merdia a drenta informe di cu tin un auto na candela den parkinglot di departamento di impuesto, mesora a dirigi tanto polis como bombero

na e sitio. Na yegada di e bombero a bin encontra cu un Mitsubishi L300 na candela, mesora a cuminsa combati e candela un rato despues a yega un segundo

unidad y asina a combati e candela. Na yegada di e patruxa e doño di e auto a acerca y a duna polis tur informacion.

## **NATURAL BRIDGE -DIAMARS MAINTA AMBULANCE A BAY E ESTABLECIMENTO NA NATURAL BRIDGE, PA UN DAMA CU A HERIDA SU MES.**

Paramediconan cu a presenta a bin topa cu un dama a turista di edad, cu golpi na cara.

Segun nan a wordo bisa cu e lo a faya un "step" y a cay dal parti di su cara riba su wowo, unda e lo a haya un herida.

E señora compaña pa su casa y un Paramedico a cana subi e vehiculo pa ricibi atencion medico.





# FASE 4 DI PROYECTO BOARDWALK MALMOK

ORANJESTAD - Minister Demisionario Dangui Oduber den e periodo di su gobernacion tawata hiba un maneho di turismo, dirigi entre otro, riba e mehoracion y proteccion di producto Aruba.

Durante e periodo aki a institui un comision di infraestructura cu tawata discuti y percura pa duna guia na diferente proyectonan riba e bienestar y proteccion di nos recurso. Manera ta conoci, un di nos isla su producto principal ta nos beachnan den cual mester wordo protehi.

E comision aki tawata consisti di e Ministerio di Turismo, DIP, DOW, ATA y TPEF. Adicional tambe APA y AAA tawata asisti ora cu tawata tin mester di experticio specifico. Ta un gran cantidad di proyectonan pa mehoracion di infraestructura, upgrading y beautification cu a wordo ehecuta y cu lo sigui wordo ehecuta e aña aki.

E proyecto di Boardwalk Malmok a wordo parti den diferente fase. Fase 1 y 2 ya caba a wordo entrega algun tempo atras y a resulta di


ta un proyecto cu miles di local y tambe turista ta haci uso di dje pa ehercicio diariamente.

Actualmente Boardwalk Fase 3 ta den pleno ehecucion y awe Minister Demisionario Oduber ta contento di anuncia cu Fase 4 ta bai start. Boardwalk fase 4, ta cai den e area dilanti Fisherman's Hut, cual ta encera:

- Restructuracion di e parkeo;
- Lo sigui amplia e boardwalk te cu Ritz Carlton
- Lo añadi un localidad nobo di bus stop
- Lo añadi turtle wall pa asina limita vehiculo motorisa riba beach
- Lo brinda mas vegetacion natural den e area

E siguiente fase di e area aki tawata pa bin cu un estudio pa identifica, con pa restructura e forma cu botonan ta baha/subi, ya cu actualmente e manera no ta uno cu ta den un forma balansa cu medio ambiente.

Minister Demisionario Oduber ta contento cu un otro bunita proyecto cual e ta laga atras, lo wordo cristaliza y asina keda eleva producto Aruba.



## CUERPO POLICIAL: A DETENE COLOMBIANO NA AEROPUERTO CU DROGA

Diaranson 1 januari 2025 Unit Narcotica a detene un homber nacionalidad colombiano na aeropuerto.

Ta asina cu durante control di Customs and Border Protection (CBP) na aeropuerto a bin controla e maleta di e homber P.C.R.C. naci

na Colombia di 52 aña cu destino pa Merca. Den e maleta a ser encontra substancia parecido na cocaina. A haci e test necesario y a constata cu enberdad ta trata di cocaina. CBP a tuma contacto cu Unit Narcotica y a entrega e sospechoso na e departamento pa

mas investigacion. No ta descarta cu lo tin mas detencion durante e dianan nos dilanti.

Cuerpo Policial ta keda haci un apelacion na es cu a wak algo of sa algo pa yama tiplijn di polis cu ya 11141. Bo ta keda anonimo.





# Accidente den parkinglot di un gym na Sero Patrishi



Diamars mainta a drenta informe di un accidente den e parkinglot di un gym na Sero Patrishi, mesora a

dirigi un patruya na e sitio. Na yegada di e patruya a bin compronde cu door di e birada un poco skerpi y e auto

su dilanti a brake y ela bay dal tras di e auto su dilanti. Afortunadamente ningun hende a resulta herida.



## ACCIDENTE PA FALTA DI PREFERENCIA NA CRUSADA DI AVENIDA MILIO CROES Y STADIONWEG



Dialuna atardi a drenta informe di un accidente cu hende herida na e crusada di Avenida Milio Croes y Stadionweg. Mesora a dirigi tanto polis como ambulans na e sitio. Na yegada di e patruya a bin

compronde cu un KIA Rio lo no a duna preferencia na un otro KIA Rio y nan accidente.

Na yegada di ambulans nan a atende cu e victima. Polis a tuma datos di e accidente aki.



# CHAUFFEUR A PEGA SOÑO BAY DAL 5 PILON DILANTI SEAPORT MARKET PLACE



Diamars mainta a drenta informe di un accidente dilanti di Seaport Cinemas, mesora a dirigi un patruya na e sitio. Na yegada di e patruya a bin compronde cu e chauffeur di e Toyota Corolla lo a pega soño tras di stuur y a bay banda robes di caminda y a bay dal 5 pilon kibra dilanti Seaport Market Place. Debi na e impacto e chauffeur a resulta herida y a pidi presencia di ambulans, na yegada di e ambulans nan

a atende e victima na e sitio mes.



## HOTLINE



**744-0444**

## CAPT'E Y MAND'E





# Accidente pa falta di preferencia na e rotonde banda di Superfood



Diamars mainta a drenta informe di un accidente den e parkinglot di un gym na Sero Patrishi, mesora a dirigi un patruya na e sitio. Na yegada di e patruya a bin compronde cu door di e birada un poco skerpi y e auto su dilanti a brake y ela bay dal tras di e auto su dilanti. Afortunadamente ningun hende a resulta herida.

## Auto a kentel den accidente na e crusada di Waterweg y Middenweg



Dialuna atardi a drenta informe di un accidente cu hende herida na e crusada di Middenweg y Waterweg. Mesora a dirigi tanto polis como ambulans na e sitio. Na yegada di e patruya a bin compronde cu un Nissan Sentra lo no a duna preferencia na e Daihatsu Terios y nan a accidente te cu e Daihatsu a kentel. Na yegada di e ambulans nan a atende cu e dama cu tabata den e Daihatsu cu a resulta levemente herida.



# REV. ARSOBISPU JASON GORDON NOMBRÁ KOMO ATMINISTRADOR APOSTÓLIKO DI OBISPADO DI WILLEMSTAD

Willemstad, Kòrsou – Obispado di Willemstad ta anunsia ku gratitut i solemnidad ku Santa Sede – Vatikano a nombra Mgr. Jason Gordon, Arsobispu di Arkidiosesis di Port of Spain, Trinidad i Tobago, komo Atministrador Apostólko di Obispado di Willemstad. E nombramentu aki ta tuma lugá despues ku Mgr. Luis Secco, nos kerido Obispu ta bai ku penshun despues di hopi aña di entrega i

liderato pastoral. Obispado di Willemstad kompletu ke ekspresa su gratitut profundo na Mgr. Luis Secco pa su dedikashon inkansabel, kuido pastoral, i liderasko spiritual durante su tempu di sirbishi. Su legado di entrega, marká pa su gran kompromiso ku pueblo di Kòrsou, Boneiru, Aruba, Sint Maarten, Saba i St. Eustatius, lo keda komo inspirashon pa generashon di awe i manan. Nos ta desea pa Dios sigui



## Bisdóm Willemstad

Julianaplein 5 Curaçao, Dutch Caribbean -Tel (599-9) 462-5876  
Fax (599-9) 462-7437 • E-mail: [bisdómwstad@gmail.com](mailto:bisdómwstad@gmail.com)

bendishona su bida i duna bendishon na e etapa nobo di su bida.

Un Atministrador Apostólko ta un Obispu ku Santa Sede ta nombra pa yuda ku e gobernashon i kuido pastoral di un Obispado den un periodo di transishon.

Mgr. Gordon, konosí pa su zelo pastoral i su deseo pa fortifiká komunidatnan di fé, lo

guia Obispado di Willemstad ku sabiduria i deboshon durante e tempu aki.

Obispado di Willemstad ta duna Mgr. Gordon un

kaluroso bon biní den su ròl nobo i ta sigurá su orashon i sosten pa e mishon importante ku e ta asumí.

Ku Dios sigui bendishoná nos Diosesis, i ku nos keda uní den fé mientras nos ta sigui avansá bou di guia di Spiritu Santu.

## FUCHS FAMILY CHARITY FOUNDATION

**Founded in Aruba 12-12-1991**

### Dia 10 di December 2024 fundacion Fuchs Family Charity Foundation

A cumpli cu su meta y a duna un grupo di organisacion riba nos isla un donacion pa un suma total di AWG 47.360.00. Esaki tabata pa di 33 biaha cu Fuchs Family Charity Foundation a duna donacionnan na organisacionnan charitativo riba nos isla.

Asina cumpliendo cu e deseo di sr. Adolf Fuchs en feliz memoria.

Pa hopi organisacion e hecho cu Fuchs Foundation por duna un yudansa financiero ta worde aprecia. Di e forma aki tambe Fuchs Foundation ta gradici e organisacionnan en kwestion pa e trabow boluntario hopi valioso cu nan ta haci den nos comunidad y pa duna sosten na e organisacionnan aki pa nan sigui cu e bon trabow cu ta nan meta.

Directiva diario di Fuchs Family Charity Foundation ta consisti di:

sr. Edwin Tromp, presidente, sr. Ramphis Tromp tesorero, sra. Yvonne Spellen secretaria. Otro miembronan di directiva ta: sra Glenda Gil, sra Jeanine Croes, sr. Michael Gottfried y sr. Bryan Nemecek.

Pa anja 2024 e siguiente 20 organisacionnan a risibi un donacion:

Asistencia Social Cristo Rey, Asistencia Social Dakota, Asistencia Social Oranjestad, Asistencia Social Sta. Theresita di Niño Hesus, Ayudo Parokial St. Cruz, Israelitische Gemeenschap Beth Israel, Meals on Wheels di The Methodist Church, Stichting Hospice Atardi, Stichting Cas Marie, Fundacion Funari,

Fundacion Pasadia Infantil TeAworo, Fundacion Respeta Mi, Stichting Sociaal Fonds Colegio Arubano, Stichting Sociaal Fonds Colegio Nigel Mathew, Fundacion Sonrisa, Fundacion Trabow Social Aruba, Fundacion Pro Juventud Savannah, Fundacion Club Don Bosco Noord, Arubaanse Stichting voor de Reclassering en Jeugdbescherming, Good Samaritan Christian Center

Fuchs Family Charity Foundation ta masha contento di por a yuda tur e organisacionnan menciona, gradiciendo nan pa nan merito y labornan cu nan tur ta duna boluntariamente na bienestar di otronan den nos comunidad.

Alabes a desea nan cada uno un Feliz Pascu 2024 y un Prospero Aña Nobo 2025.

## Paga bo cuenta online ta facil

Sea  
Abonnement  
of Aviso



Pago online,  
facil y lihe

Pa hasi pago online pone number y adres na  
cuenta di banco RBC Sunmax Printing  
account # 7700000100152447



# E efectonan di alcohol riba e sistema nervioso

Alcohol ta un droga cu ta legalisa y acepta socialmente. Es mas, tta e droga mas extendi di mundo y nos ta uz'e cu frecuencia den reunion, get-to-gether cu amigonan, cenanan familiar, etcetera.

Sin embargo, nos conoce e efectonan di alcohol? E efectonan di alcohol ta cuminsa cu un sensacion di excitacion y euforia cu ta haci nos sinti miho ora cu nos cuminsa consumi'e.

Pa desgracia, hopi hende ta uz'e pa desinhibi of pa calma. Sin embargo, e efectonan real den nos organismo no ta nada bon.

Alcohol ta un toxico cu por provoca alteracion den henter nos sistema. Tambe, tin hopi enfermedad cu ta relaciona cu e ingesta cronico di e substancia aki.

Por ehempel, alcohol ta asocia fuertemente cu e disfuncion hepatico. E realidad aki a extende entre e poblacion; no obstante, poco hende conoce e efectonan di alcohol riba nos sistema nervioso, por ehempel.

Den e articulo nos lo bay splicabo.

Cualnan ta e efectonan di alcohol? E efectonan di alcohol den e sistema nervioso por produci tanto di forma agudo como cronico.

E cantidad ingeri y e tempo cu ta mantene e situacion aki ta determinante. Di forma general, nos ta distingui entre e intoxicacion agudo y alcoholismo cronico.

## Intoxicacion agudo

Intoxicacion agudo ta produci ora cu den un periodo corto di tempo, ta ingeri cantidadnan hopi grandi di alcohol.

Na principio, e intoxicacion aki ta produci sintomanan agradabel, manera e desinhibicion cu nos a menciona anteriormente.

Di un otro banda, ta necesario menciona cu, aunke hopi hende ta uza alcohol pa socialisa, otronan ta afecta di manera contrario.

Hopi persona por bira agresivo y iritabel. Sin embargo, e efectonan di alcohol den e caso aki, por causa un coma etilico.

Esaki ta un estado di perdida di



conciencia debi na e substancia aki cu por yega na pone e bida na riesgo.

Entre e efectonan di alcohol ta destaca cu ta un depresor di nos sistema respiratorio. Esaki kiermen, cu den e casonan aki, por yega na produci morto pa un fayoden e respiracion.

## Alcoholismo

Alcoholismo ta tuma luga ora cu un persona ta sinti un necesidad imperioso di ingeri alcohol cu ta conduci na haci'e constantemente. Un di e efectonan di alcohol ta cu e ta capas di produci dependencia fisico. Esaki ta haci cu e alcoholiconan ta sufri sintomanan di abstinencia ora cu e no por tum'e.

Alcoholismo ta asocia na otro procesonan cu, ora combina, ta haci cu ta desaroya cierto trastornonan neurologico grave.

E circunstancianan ta:

- Mayoria di e alcoholiconan tin deficitnan nutricional y falta di vitamina.

- Ta afecta otro organonan manera e higra. Numeroso estudio ta demostra cu e degeneracion hepatico por causa daño den e sistema nervioso.

- Ta hopi comun cu ta produci golpi y traumatismonan craneal pa motibo di e causa di e efectonan di alcohol. Esaki por provoca hematoma y hemorragianan den e cerebro cu tambe su

funcionamento ta bay deteriorando.

Pa tur esaki, e efectonan di alcohol den e sistema nervioso ta wordo traduci den numeroso enfermedadnan. A continuacion nos lo splicabo di esunnan mas destaca.

Efectonan di alcohol: e enfermedadnan neurologico

## Demencia

Casi 10% di e alcoholiconan cronico ta sufri di demencia. Esaki ta implica cu e personanan aki ta sufri un deterioro di tur nan funcionnan cognitivo, manera memoria y e habilidadnan social.

Den e casonan aki, e persona ta perde e capacidad di realisa actividadnan compleho. Tambe por provoca cambionan den su personalidad y den su estado di animo.

## Degeneracion di e cerebelo

E cerebelo ta un parti di nos sistema nervioso cu ta encarga di e coordinacion muscular y otro movimentonan cu nos ta realisa involuntariamente.

Ta calcula cu rond di un 50% di e alcoholiconan ta sufri daño den esaki. Nan ta caba teniendo dificultadnan pa papia, pa cana y hasta cuminsa tin temblamento.

Polineuropatia alcoholico

Otro di e efectonan di alcohol ta polineuropatia alcoholico. E ta un enfermedad caminda cu algun nervio ta degenera y no por mantene corectamente su funcionnan.

E ta asocia na un falta di vitamina secundario na e ingesta di alcohol. E personanan aki ta cuminsaperde forsa den su miembronan gradualmente. Ademas, ta sinti parestesias (sensacion di grawatashi den e cuero) y dolor den e mesun miembronan.

Na final, e ta afecta e forma di cana.

Efectonan di alcohol: e sindrome di Wernicke-Korsakoff

E patologia aki ta produci un alteracion di e conciencia cupor yega hasta den coma. E ta wordo causa pasobra e cerebro no ta metabolisa corectamente e glucose y ta acumula cierto substancianan toxico den dje.

## Concluyendo

E efectonan di alcohol den e sistema nervioso ta varia y compleho. Ta importante sa cu e ta produci daño tanto ora cu ta limita na un intoxicacion agudo como ora cu e persona ta alcoholico di manera cronico.



P'esey, si bo ta kere cu bo tin un adiccion na alcohol of bo ta bebe frecuentemente, purba di aleha di dje.

Tanto bo dokter, como numeroso gruponan di apoyo cu ta existi awendia por yudabo.





# DAMA CHAUFFEUR NO A MIRA HOBEN RIBA BICICLETA ELECTRICO Y A DAL E



Diamars mainta a drenta informe di un accidente cu hende herida na Cumana, mesora a dirigi tanto polis como ambulans na e sitio. Na yegada di e patruya a

bin compronde cu e dama chauffeur di un Toyota Vitz a subi e crusada sin a mira e hoben ciclista riba e bicicleta electrico y ni maske e hoben a desvia toch e auto a dal e

bente abao. E hoben tabata keha di hopi dolor di lomba, na yegada di e ambulans nan a atende y a transporte pa hospital pa atencion medico mas avansa.

## FORTALEZA PA FAMILIA

Scirbi pa Pastor Marcel Balootje.

## PAKICO LAGA ALCOHOL DESTRUI BO BIDA?

E uso di alcohol ta y ta keda alarmante, e ta un dolor publico. social, familiar, cu ta incomprendibel con hende mes ta permiti alcohol domina nan bida di un forma cruel, cu ta parece manera nan no tin resistencia.

Pa hopi tempo caba alcohol, no tin edad, grandi y chikito ta bebe, pero locual ta mas tristo ta cu alcohol a cay den gara di mucha, si den man di mucha, muchanan cu ta bebe mescos cu hende grandi, y nos tur sa cu alcohol y estudio, no ta bay bon at all cu otro.

Si un mucha for di awor cu e ta chikito ta bebe, for di awor cu e ta bay scol, kico lo para ora e mucha aki bira grandi y bay biba por ehempel na Hulanda of cualkier otro pais riba su mes pa studia, ken lo por para e uso drastico di alcohol.

Pa basta tempo caba uso di alcohol a bira un problema pa trafico, hende ta bebe burachi y contra tur regla y contra tur ley nan kier stuur y mayoria biaha ta causa accidente.

Buracheria a causa morto hopi biaha, sin conta tur esnan cu ta invalido, of a keda perhudica fisicamente pa motibo di buracheria den trafico. Ta ken ta manda hende?

Buracheria a destrui hopi familia, y hasta tin hopi familia riba caminda di destruccion, pa motibo di alcohol, pasobra antes bo ta tende di Papai ta burachi, awor aki ta asunto di Papai, Mamay y yiu ta burachi den cas y ningun di nan por rasona.

Matrimonio ta na werki, yuinan no tin supervision, no tin respet den cas, gastonan social no ta wordo cubri, no ta pasobra no tin placa, pero pasobra e placa ta wordo gasta malamente na alcohol, te asina leu cu hende no por paga nan awa y nan luz.

Relacion matrimonial no

ta wordo respeta door di alcohol, pasobra alcohol na prome lugar ta pone hende perde respet pa nan mes, tene cuenta cu un homber burachi ta hopi biaha un cos di hari, pero ora ta trata di un muher burachi ta algo tristo.

Pasobra nos tin di corda cu muher ta nos mama, y semper bay mester tin respet pa hende muher, y awor nos ta bibando den un tempo cu hopi hende muher ta victima di alcohol, tin algun ta bisa cu nan ta bebe, pa motibo di cierto cosnan cu nan kier lubida, pero tin ta bebe diariamente pasobra nan mes kier bebe.

Alcohol no ta pone hende lubida, simplemente esey ta un gran mentira di diabel, pasobra e ta funciona mescos cu droga, ora e perde su efecto den bo mente, bo ta bay den mesun estado bek.

Tin hopi hende cu nan dokter a bisa nan pa no bebe, cu nan bida ta na peliger, pasobra cierto organo no ta funciona optimal, pero contra tur conseho di dokter nan ta sigi bebe.

Tin hopi hende ta bebe scondi, bao di ora di trabao, hendenan cu responsabilidad grandi, hendenan cu mester cuida bida di otro hende, pero nan ta laga alcohol domina, y tin hasta a perde nan trabao pa motibo di alcohol.

Alcohol y perversidad ta cana hunto, pesey ora hende ta burachi tur sorto di palabra malo y perversidad ta sali for di nan boca, tur sorto di baile y actuacion indecente y bagamunderia ta wordo practica, pasobra ora hende ta burachi un scuridad diabolico ta tuma over su mente.

Proverbionan 23:29-35 ta bisa hopi cla kico alcohol por haci cu hende.

Alcohol ta un enganjo grandi, y ta tempo pa hende bira consciente.



# FASE 3 DI PROYECTO BABY BEACH TA BAI CUMINSA



ORANJESTAD – Minister Demisionario Dangui Oduber ta contento di informa cu tin mas proyecto cu ta den tramite pa cuminsa. Como parti di a maneho di turismo, fin di aña 2024 a logra firma varios proyecto cu lo bai cuminsa e aña binidero.

Tur e proyectonan aki, tawata tin varios luna caba den preparacion y ta sumamente conento di mira nan bai wordo realisa. Pa hopi aña caba ta trahando riba e masterplan di Sero

Colorado y despues di un tramite basta intensivo di preparacion y destaho, awe mi ta orguyoso di anuncia cu fase 3, cual ta e dos cancha di tennis na Baby Beach ta bai wordo renoba. Cu esaki nos localnan lo tin oportunidad pa pasa tempo recreativo cu nan ser keru y tambe aporta na nan salud. E bunita di e proyecto aki ta, cu lo converti esaki den no solamente cancha unda por hunga e deporte di tennis, pero tambe basketball, pickle ball, volleyball y tambe



futsal, un “multi funcional court”.

Na mes momento ta contento di anuncia cu Baby Beach su ‘welcome sign’ nobo ta den fase final pa wordo entrega. E vision tras di e sign aki ta pa implementa un diseño unico na cada beach di Aruba, cual lo tin característica di e beach. E sign aki na Baby Beach ta bira e prome, dus e ta e ehemplar pa otronan cu mester wordo realisa ainda. Mescos e proyecto aki, asina tin hopi mas proyecto di ministerio di Turismo cu lo ta den pleno ehecucion durante aña 2025 conforme


e maneho cu a wordo hiba e ultimo añanan di inversion den mehoracion di producto Aruba.

Mi kier a duna un aprecio y gradicimento na Departamento di Obra Publico (DOW) pa diseña y encamina e proceso di destaho y tambe Aruba Tourism Authority (ATA) pa kere den e proyecto.
















Trabouw nan ta premira pa start pronto y lo dura algun luna. Corda tene na cuenta cu e area den momentonan di construccion. Minister ta hopi satisfecho di mira cuanto proyecto a wordo

ehecuta caba y cuanto lo bai cuminsa e aña aki.





Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - January 07, 2025

 Sorteo # 4500 <b>8882</b> <b>6891</b> <b>3570</b>  <b>X2</b>  Sorteo # 4500 <b>0297</b>  <b>X2</b>  Sorteo # 2556 <b>7202</b>  Sorteo # 4500 <b>2693</b> <b>Geminis</b>  Sorteo # 1374 <b>596</b>  <b>X2</b>	 Sorteo # 0 x Jackpot 0 x Match 4+ 0 x Match 4 0 x Afl. 12,00 <b>190.000,-</b>  Sorteo # 0 x Jackpot 0 x Match 4 0 x Afl 8,00 <b>56.000,-</b>  Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl. 15,00 <b>480.000,-</b>  <b>Afl. 660.000,-</b>  Sorteo #  Sorteo # 
--	---